

ԱՐՑԱԽՑԻՆԵՐԻ ՄԱՍՆԱԿՑՈՒԹԵԱՆ ՀԱՐՑԸ ԱԴՐԲԵՋԱՆԻ ՆԱԽԱԳԱՀԱԿԱՆ ԸՆՏՐՈՒԹԻՒՆՆԵՐԻՆ

Օգոստոսի 5ին Ստեփանակերտում տեղի ունեցաւ ԼՍԻՄի Մարզխորհրդի՝ գործադիր կոմիտէի նիստ, որի ժամանակ բըննարկուեց Ադրբեջանի Հանրապետութեան նախագահի ընտրութիւններին արցախցիների մասնակցութեան հարցը: Նիստում ելոյթ ունեցաւ Մարզգործկոմի նախագահի պաշտօնակատար Լեւոնարդ Պետ-

րոսեանը, որը անցած շաբաթ էր վերադարձել Մոսկուայից, որտեղ հանդիպումներ էր ունեցել ԽՍՀՄ փոխնախագահ Եանայեւի, Կրիւկովի, Պուգոյի եւ երկրի այլ բարձրաստիճան պաշտօնեաների հետ: Քննարկուած հարցի մասին Մարզգործկոմը ընդունել է որոշում, սակայն այդ որոշման մասին հասարակայնութեանը չի

յայտնուել:

Մարզգործկոմը իր հաւանութիւնն է տուել Մարզի բնակչութեան մասնակցութեանը Ադրբեջանի Հանրապետութեան նախագահի ընտրութիւններին, այն պայմանով, որ նախագահի ընտրութիւններին զուգահեռ պէտք է անցկացուեն մարզխորհրդի պատգամաւորների ընտրութիւններ: